

**Uunga siunnersuut: Isumaginninnermik suliassaqarfimmi pissaanermik atuineq pillugu
Inatsisartut inatsisaat.**

*Meeqqanut, Inuusuttunut, Ilaqutariinnut Peqqinnissamullu Naalackersuisumit
saqqummiunneqartoq*

pillugu

Ilaqutariinnermut Peqqissutsimullu Ataatsimiititaliap

siunnersuutit aappassaaneerreqarnerannut

ISUMALIUTISSIISSUTAA

Ataatsimiititaliaq sularinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Mikivsuk Thomassen, Inuit Ataqaatigiit
Inatsisartunut ilaasortaq Eqaluk Høegh, Inuit Ataqaatigiit
Inatsisartunut ilaasortaq Mala Høy Kúko, Siumut
Inatsisartunut ilaasortaq Aslak W. Jensen, Siumut
Inatsisartunut ilaasortaq Emanuel Nûko, Naleraq

UPA2022-imi marsip 22.-iani siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Isumaginninnermik suliassaqarfik pillugu Inatsisartut inatsisaata nr. 1, 21. november 2013-meersup akuerineqareernerata kingorna meeqqanut- innarluutilinnullu suliassaqarfiup iluani allannguutitut inatsisinut sinaakkutit Naalackersuisunit qulakkeerneqassapput.

Inatsisissatut siunnersuummi matumani siunertarineqarpoq meeqqanut suliassaqarfimmi pissaanermik atuinissamut malittarisassat inatsisitigut tunngavigisat nutarterneqarnissaat. Meeqqanut, inersimasunut najugaqarfiit assigiinngitsut paaqqinnittarfiillu inatsimmi qulakkeerunneqassapput, sulisullu patajaatumik toqqissisimanartumillu atugaqarnissaat inatsisitigullu ersarissumik sinaakkuteqarnissaat qulakkeerneqassalluni. Erseqqinnerusumik oqaatigalugu meeqqat inersimasunik pinerluttunik isertitsivimmeeqateqarnissaat pinngitsoortinniarlugu inatsit ilaatigut qulakkeerinnissaq.

2. Siunnersuutip Inatsisartunit siullermeerneqarnera

Siunnersuutigineqartoq partiinit tamanit tapersorluarneqarpoq ataatsimimiititaliamilu suliarineqartussanngorlugu innersuunneqarpoq.

3. Tusarniaanermi akissuteqaatit

Siunnersuut 2021-imi septemberip qulinganiit oktoberip arfineq pingasuata tungaanut tusarniaassutigineqarpoq, tusarniaanermilu akissutigineqartut inatsisissatut siunnersuummut kakkiunneqarlutik, tamanna Inatsisartut Siulittaasoqarfiata ilusiliinissamat piunasaqaataanut naapertuuppoq.

Tamatumunnga atatillugu ataatsimiititaliap maluginiarpaa tusarniaanermi akissutigineqartunik attuumassuteqartunik tunniussisoqarsimasoq oqaaseqaatigineqartullu arlallit ilanngunneqarlutik.

4. Iisimatitsiffiusumik ataatsimeeqateqarneq

Inatsisissatut siunnersuutip siullermeerneqarnissaa sioqqullugu Ilaqutariinnermut Peqqissutsimullu Ataatsimiititaliaq Meeqqanut, Inuusuttunut Ilaqutariinnullu Naalackersuisumi inatsisissamik nalilersuipput.

5. Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassai siunnersuummi nalinginnaasumik oqaaseqaammi allaaserineqarput. Matumani allassimavoq, ulloq unnuarlu angerlarsimaffinnik kiisalu najugaqarfinni, ulloq unnuarlu neqeroorutini sulisut sulinermi periusaat inatsisissatut siunnersuummi iluarsineqarput. Kommunalbestyrelsinut, sullissisunut aamma angerlarsimaffinni pisortanut ilitersuinnermut atatillugu ataasiaannartumik aningaasartuuteqartoqarsinnaavoq, Naalackersuisumit suliassaqarfimmi akisussaasumit akilerneqartussa. Pisortanut aningaasatigut kingunerisassat allaaserineqarnerini Naalackersuisut oqaatigaat, assersuutigalugu pisaanermik atuisariaqalernermit atatillugu immikkut aningaasartuutit pisariaqartitsisoqartillugu kommuni aningaasartuutaasunik akiliisussaavoq, taakkulu ataatsimut tapiissutinut isumaqatigiinniutinut ilaasussaapput. Tamanna tunngavigalugu ataatsimiititaliaq allatut naliliisinnaanngilaq.

6. Ataatsimiititaliap siunnersuutitnik suliarinninnera

Inatsisissatut siunnersuut inatsisitigut sinaakkutit nutarterneqarnissaanut pingaarutilerujussuarmik alloriarnerusoq aammalu inatsisissatut siunnersuut meeqqanut-inuusuttunut- aamma innarluutilinnut suliassaqarfinni sulisunut najugaqartunullu isumassuinerup pitsaassusaanut pitsanngorsaataassasoq ataatsimiititaliamit nalilerneqarpoq.

Malittarisassat pisaanermik atuisoqartillugu pisariaqarluinnartillugulu aatsaat pisaanermik atuisoqartarnissaanut ersarilluinnartumik allaaserineqarsimasut ataatsimiititaliamit aamma

nalilerneqarpoq. Kommunalbestyrelsinut, sullissisunut najugaqarfinnilu assigiinngitsuni pisortanut ilitsersuummut tunngatillugu suliniuteqartoqarnera inatsisip piviusunngortinneqarnissaanut pingaaruteqarluinnarmat ataatsimiititaliamit pitsaasumik isumaqarfigineqarpoq.

6.1 Aappassaaneerinissamut Naalackersuisut allannguissatut siunnersuutaat

Allannguutissatut siunnersuut saqqummiunneqarpoq Ombudsmandip oqaaseqaataa tunngavigalugu, kalaallisuaa danskisuaalu imminnut naapertuutinngimmata tassani § 42-mi, imm 1-imi kalaallisuuani iluarsisaaq ”matui silarliit” ilanngunneqarsimanngimmat.

7. Ataatsimiititaliap inassuteqaatai

- Naalackersuisut allannguutissatut siunnersuutaat akuerineqassasoq ataatsimiititaliap isumaqatigiittup inassutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappasaaniigassanngortippaa.

Hans Peter Poulsen
Siulittaasoq

Anna Wangenheim
Siulittaasup tullia

Mikivsuk Thomassen

Eqaluk Høegh

Mala Høy Kúko

Aslak W. Jensen

Emanuel Núko